

fuerit spacium hanc complendi nisi ut sepe dixi interior sufficiat et pena iudicialis quameniam penitentialem vocavi sequitur animas exeuntes a corporibus suis.

Utrum autem locus aliquis per se huius purificationibus deputatus sit solus et proprius nulla lex vel alia scriptura determinant. apparet autem ex visionibus et reuelationibus animarum huiusmodi quod in multis locis mundi huius terreni purgationes iste et supplementa penitentiarum fiunt. Apparere etiam potest ex ratione. Cum enim purgationes huiusmodi supplementa sint penitentialium satisfactionum non oportet ut alius locus sit eius quam penitentis idem enim locus debetur semper toti et partibus. Ubi enim est locus hominis ibi et pedum et manuum. purgationes autem iste partes sunt penitentiarum. Audiui autem apud Poetas infernum esse vel sanctos partes vel sanctum totum deputatum istis purgationibus et platonem deum vocari tartarorum et perisse supplicij animarum. quapropter statuerunt ei sacra et sacrificia quibus placaretur ad parcendum animabus apud eosdem etiam legisti mundum istum terrenum infernum esse ex causis et similitudinibus quas potes reminisci in quibus secuti esse videtur esse platonis metaphoras qui et ponunt animas violenta morte de corporibus exeuntes circa corpus suorum tumulos commorari. nec autem inde recedere quam consumatum esset tempus quod durature erant in corporibus suis nisi eas inde mors violenta expulisset et ex huiusmodi commoratione umbras vocari sicut in precedenti audiui.

Stabilitio ignis purgatorii et ignis infernalis.

his igitur ita dictis sanctos quod mihi
h fuit possibile transibo ad alia et incipiam loqui de igne quem vocat gens christianorum purgatorium. et de illo quem vocant infernalem ut remoueam a te dubitationem et admirationes de his rebus quas impiti posse esse non credunt sed more suo quecumque non vident alios videre non existimant. et etiam quicquid non cognoscunt cognosci posse desperant. et nihil esse penitus opinantur. Dico igitur in primis quod huiusmodi homines non crederent ignem esse quia aquas combureret. nisi hoc eos credere vel oculi sui vel fame testimonio innumera et irrefragabilia propu-

lissent. Tu autem scis quia ignis iste vocatur ignis grecus et huiusmodi nouas species dicit Aristoteles et docet compositiones et modum confectionis ipsorum in tractatu de eisdem singulari. Similiter ignem esse qui oleo extinguatur et aqua frigida accendatur quando crederent huiusmodi homines ubi errorem eorum conuinceret experientia sensus visus videlicet atque tactus hic autem est ignis qui est in calce vina. Quando etiam crederent lampadem inextinguibilem posse fieri. videlicet quod nec vento nec pluuia posset extinguere nisi fuisset famosissima illa lampas que in templo veneris quondam fuit et non est dubium quod fuerit lampas illa. id est quod ardebat et lucebat in ea albestus lapis qui semel accessus reuera nunquam extinguitur vento vel pluuia et est lapis liuidi ac ferruginei coloris. Est et ignis qui vulgo vocatur aqua ardens. cuius confectio notissima est. et ignis iste nihil consumit preter seipsum. est enim liquor ex quattuor vel quinque rebus confectus quocumque asperguntur capilli alicuius aut lini. unde non est alia lucerna necessaria ad mensam in qua sedet capilli enim illius ardere videntur et illuminant ad modum facule vel straminis ardentis capilli vero illesi permanet omnino. Est et ignis de quo supra feci tibi mentionem vel in ipsa terra sicilio vel prope qui corpora non ledit. Sunt et alii ignes in lacubus vel potius ipsi lacus in quibus et ex quibus intincte facule accenduntur et ardent. Hec autem omnia propter hoc aggregavi tibi de mirabilibus ignium ut tollerem a te admirationem atque dubietatem de igne purgatorio et de igne Iehennali quaque ignis purgatorii a multis intelligatur non ignis proprie corpus sed pena siue afflictio qua diuine iusticie satis fit de defectibus purgationum in vita ista ceptarum et in eadem non completarum et huiusmodi penam intelligunt non unam esse vel numero vel specie. imo multas et hoc eis visus est ex apparitionibus et reuelationibus antedictis. Multi enim apparuerunt ex mortuis. apparuerunt in quibus modis quibus fuit beneplacitum creatoris. reuelauerunt penas sue purgationis varias atque multiplices de quibus fit tibi sermo in sequentibus perscrutatio atque diffusio. Debes autem scire quia ignis secundum doctrinam hebreorum tribulatio vel afflictio non nunquam intelligitur nec discordat in-